

JILA NAHAKEKO

KALUNGA YALELO LINO



...chindende kaha shimbu etu twanongama mitwe yetu.

Ove Tata wa Mwilu, etu twasakwilila Ove hali Yesu Kulishitu, jishiko Jenyi jajinene jize Ikiye atuhana etu. Etu twasakwilila Ove ha vyuma vyosena. Etu tuli mwishi yakuvandamina chachinene muno mu mbongi hali ava Vakakulishitu vamwaza. Etu tuli nakuvandamina kumona Ikiye kutambuka mukachi ketu kusolola kupwa Chenyi, kuhana vathu lufwelelo, kuvahizumwisa vakiko kufwelela. Eyi ikiko puna kupwa hano, Tata. Etu tunatachikiza etu tunahase kufwelela Ove. Etu katweshi kupwa na kusauka. Mwomwo etu twalombo echi mu Lijina Lyenyi. Amena.

Munahase kutwama.

Twapwanga vakuwahilila na chimene hakupwa nechi kulya chachimene nava lize lizavu lyamwaza lya vakakuzata vamuno mumbongi. Kaha shikaho etu... Ngwashinganyeka ha—ha tepu muli echi kachi muthuumwe mwaya nakutonda echi. Lwola kana lwa kulikata echi etu twapwilenga nacho. Kaha jino, ufuku uno unapu ufuku wamuchivali, kupwa nakutwalilaho mujila. Shikaho jino, etu twafwelela ngana nge Mwata mwaya nakukisula enu vosena mwakulisala.

Ngwafwelela Nguli nakutala hali sepa lyami wamwaza, Pwevo lya Upshaw, natwame hano, Ndumbu wapwevo Upshaw. Ou Mwata amikisule. Ngunanuka Ndumbu walunga Willie Upshaw. Ngwapwile namukanda kufuma kuli ikiye likumbi likwavo kaha chifwanyisa cha Ndumbu walunga Willie, Congressman. Shikaho, ikiye—ikiye apwilenga na chikuto ha myaka sikisite sikisi.

Apwile mukuliwana cha ufuku umwe, amwene chimweno cha ikiye, natwame, kuhita mulikungumbuwa, na uvwalo wakulifwana, nanongama. Ikiye apwile muchitwama chakalikoki na mikombo, nge omu vosena munamutachikiza ikiye, kaha Mwata Yesu amutengele ikiye ufuku woumwewe. Kaha ikiye apwilenga na lufwelelo palanga ikiye afwile.

Etu tuli nakwivwa kalemesa, ufukuuno, mwomwo ya tuliwe yenyi hakutwama hano. Ikiye apwile kashinakaji omwo ikiye ayile nakupwa hamwe na Mwata? Ikiye tele ali namayaka yingahi? [Ndumbu wapwevo Upshaw kukumbulula—Muka.] Ayoyele na myka eyite sikisi yakusemuka. [Ndumbu walunga Upshaw kwambulula hakufwa chenyi.] Ayile Mwilu nakupwa

na . . . Etu tuli vakusakwilila hali malunga vavanene, maswalele va lufwelelo.

Jino, ufukuuno, echi chili, etu katwatondele kumishimbwisa chikumako. Etu twamishimbwisanga minyutu teni kushimbula chingoloshi chinahichi, minyutu twende palanga teni. Etu kakavulu twatela kulovoka na naini seti. Nanguya nakweseka kulinga ngachize ufukuuno. Ngunapunga . . . Ngunalumunakufuma mujimbu ya upolofweto Ngunapunga nakunangula kujinguluka havihanda vyakuhandunuka vya mulifuchi, kupwa na kutangisa cha kwambulula mujimbu wamwaza cheka. Kaha hali eyi mijimbu yaupolofweto, Etu natuya nakupwa nakutwalilaho nakutwalaho. Kaha jino kuvatula nakushimuka, chinapu chachikalu, kaha kwalumuna mu—mu mulimo kaha.

Kaha mulonga Ngulinakulinga echi: mwomwo likumbi limwe, kwiza kufuma ku Canada, kupwa kaha hano mu Montana, chimene chimwe, Mwata Yesu . . . Ngunatachikiza chili nakwivwakana chaungeji, oloze Ngwapwile nakwendesa motoka, kaha chumachimwe chalukwishile kupwa chavathu. Ngwevwile Lizu, hatoma nge omu uli nakungwivwa, kuhanjika, “Lijina lyove lyakusoneka hali ize.” Kaha Ngwatalile, kaha omwo etu twemikile, Billy na Yami, Mwata Yesu ngwenyi, “Kindulukenu jino, kaha kuputuka nakwingila na eva nge omu alingile.”

Ou ukiko mulonga Nguli hano ufukuuno, mwomwo kuya cheka nakulombelela vakakuviza. Unapu mujimbu wa usuku kuli echi, kaha Ngunapu wakukunyuka ha tepu vathu hano, hiya evwanga jitepu jetu, kutachikiza hali uze mujimbu. Nguli hano na kulombelela vakakuviza cheka. Kuli mawana amanene mu Kalunga. Kalunga nahase kuzachisa kala vakiko Ikiye kufwila kachi etu kupwa nakwecha Ikiye kulinga ngachize. Ikiye napu Mwata Kalunga.

Kaha jino, Nguli kweseka ku . . . lilamenu kufuma kukunangika mavoko hali vathu kachi Nanguhona kulinga ngachize, mwomwo, kuze, echi chinasoloka nge (echi chili chosena chakwoloka), oloze chinasoloka nge mthuumwe, mwaya nakuhinduka, vakiko ngwavo, “Chamwaza, *Munganji na mukananga* kumavoko ami.” Talenu? Ngwa—Ngwazanga kukumona ove mavoko hali Ikiye, hali Kulishitu.

Punga yami ili, etu vosena tunatachikiza ha Visoneka, vize kuka cha Ukalunga chinapu lyehi kupwa chakuwanyiya lyehi kuli kala mukakufwelela. Echi chinapu chihanda—echi chinapu chihanda cha Yesu kuyanda: “Ikiye vamulemekele hakuzombojoka chetu jishimbi, ha mikiki Yenye etu twahinduka. Nge Mose azundwile uze linoka lya unengu muze mupambo, shikaho mukiko atela Mwana muthu kupwa wakuzundula.” Chuma chochimwe.

Kaha uze apwile muyachi wa Kulishitu kufwanyisako. Kaha jino kachi—kachi kutomesa chamwaka kuneha kuka, omu chahambakana umwe wamuhya, echi chikwechi vyuma vimwe, kuneha kuka cha Ukalunga.

Jino, Yesu vamuzundwile kutesekeka na muyachi woumwe uze linoka wa unengu apwile (Ikiye vamutunga shili): mwomwo, uze linoka vamutunga na unengu, kaha *unengu* kupwa “chifwanyisa cha kusopesa chaukalunga”; kaha *linoka*, kusolwesa “uze kwangula cha linoka” kufuma mu milemba ya Etene, muze shili na misongo yengilile.

Kaha Yesu keshi kuhasa . . . Kakweshi muthu keshi kuhasa kunangula Yesu Kulishitu ko nge kutomesa chakuzeneka kunangula cha Ukalunga. Naumwe pimb mwahasa kunangula Mujimbu wamwaza chakuzeneka kunangula kuka cha Ukalunga. Mwomwo, talenu, enu kamweshi . . . ikiye atela kupwa na . . . kanda kupwa na vyuma vimweko. Nge kachhi kanyama nakwachilila kuli enu, ove kawatondeka kupwa nakuvatula chimbundoko, mokomoko kuvatula livoko lyenyi—lyenyi mokomoko ikiye kupwa nakujinguluka. Mujihe kaha ikiye kumutwe kunahu.

Kaha omu mukiko mujila Yesu alingile omwo Ikiye—omwo Ikiye afwile ha shili: Ikiye ajihile vyuma vyosena vize shili chalingikile, Ikiye atusokwele etu. Etu tuli jino nakukoka na—na kunanguka kufuma kuli wetu wamunene . . . mali amwivwu akusokoka chetu chivene ha kwiza Chenyi cheka.

Shikaho, mwamono, misongo hazevene ili—yinalingisa kufuma mushili. Muthuumwe avulumwine. Kuze kakwapwile misongoko palanga kakwapwile cheka shiliko. Kaha jino omwo shili yengililemo, nisongo yakavangijile. Misongo yinapu mihako ya shili. Kaha jino, omwo Ikiye ajihile shili, yambachile na mihako yacho hamwe nawa. Talenu, yapwile ngocho.

Jino, etu natuya nakutanga ufukuuno chihanda cha Chisoneka.

Ngunapu vene wakuwahilila hakupwa, kunyima yami ufukuuno, lizavu lyami lya mwaza lya vandumbwami lize lyapwile kukuliwana chimene chino, na kuwana, talenu Ndumbu walunga Shakarian kunyima kuze, nawa, kaha vavavulu masepa jami, vavavulu. Shikaho kuwahilila kupwa na enu vandumbwami hano ufukuuno. Ngulombelelenu yami jino, kachi enu namuhasa.

Jino, echa tupandumunenu mu Chisoneka, kupwa kaha mutwe waundende, ou Mwata netavila.

² Kaha anuka, hamene naufuku, kulombela vakakuviza cheka. Kaha jino omwo Nguli nakuhanjika . . . Ivwulilenu, muthu wosena kweseka kulinga echi, kanda kuvandamina chuma chimwe chisoloke. Chuma ove watela kulinga, shina kufwelela Kalunga hano vene. Fwelela Ikiye hano vene! Talenu?

³ Jino kunapunga miyachi yosena ya vakakuzata. Kalunga, mu makumbi akumakumishilo, Ngwafwelela, natuhane etu vyuma vyosena Ikiye akwechi mu Mukanda Wenyi. Vyuma vyosena vize Ikiye ashikile, etu twamono, kaha hanga chili nakusoloka nge vathu vahonene kukwata. Vaze vanapu vakutongola kukwata, mwaya nakuchikwata; vaze kaha. Weji kwilavisa umwe; kusokolola meso aweka.

⁴ Anuka, etu twafwelela nge Yesu Kulishitu ali youmwe zau, lelo, na haya myaka. Ikiye keshi wakufwako, oloze ayoya zau haya myaka. Kaha Ikiye ali hano ufukuuno. Etu tuli Kumeso Eyi, ufukuuno, kaha Ikiye ali hano kwinjikiza na kulinga kala lushiko luze Ikiye atungile eli likumbi. Kaha Ikiye apwa youmwe zau, lelo, na hayamyaka. Shikaho, kalachuma chize Ikiye apwilenga, Ikiye ali, ufukuuno. Shikaho echa tumufwelela Ikiye jino, shimbu natutanga Lizu Lyenyi na kuhanjika hali Ikiye, ha minyutu fifiteni yikwavo, twende.

⁵ Kuputuka, kapetulu 22, na vasi 7 na 8, mwomwo ya jila ya kutanga.

Kaha Isaka ahanjikile kuli ise Apalahama, ngwenyi, Ove tata: Ikiye etavile ngwenyi, Yami Uno, mwanami. Kaha amwihwile ngwenyi, Tala kakahya kakako najikunyi jejiyo: oloze musamba wawana uze wakulumba ali kulihi?

Kaha Apalahama amwambile ngwenyi, Ove mwanami, Kalunga mwakalitalila ivene musamba wawana ou wakulumba: Ngocho vayile vosena vavali hamwe.

⁶ Mwata Yesu, kisula Lizu Lyove, echa Lihone kukinduluka lyaupolongwa, oloze echa jimbuto jaholokele hamavu jize jinanehe ulwilo kuli vaze vali nakutonda, vosena kumujimba na kushipilitu. Etu twalihane etu vavene kuli Ove; chikungulwilo, likungumbuwa, eli Lizu, kutanga, kutanga. Echa Shipilitu Wajila ambate vathu jetu, mangana etu tumone Yesu Kulishitu. Amena.

⁷ Ngwatondo kuhanjika hatondo yayindende muminyutu jino ha *Jila Nahakeko Kalunga Yalelo Lino*.

⁸ Kalunga lwola lwosena atwama na jila. Kuli jijila jivali, jili, mujijila jetu mokomoko jijila Jenyi. Kalunga atwama na jila lelo, mwomwo Ikiye lwola lwosena eji kupanga jila ya vyuma vyosena. Kalunga, ha kuputuka, kutachikiza makumishilo, shikaho Ikiye kuhaka Chisoneka Chenyi ha kala chisemunuino. Kaha chize chisemunuino, omwo chejile...Jino kanda kuhona kumona echiko. Chize chisemunuino, omwo chejile nakupwa, kakavulu mulimo kulifutula na isms, na vyangocho, kaha visemwa, palanga vili miliyoni milosi kufuma ku Lizu.

⁹ Kaha jino Kalunga lwola lwosena eji kutumanga muthu umwene haze, kapolofweto. Kaha ou kapolofweto...Kalunga

kanda lyehi alumuke jila Yenyi. Ikiye kanda lyehi alumuke mujijila Jenyi. Ikiye lwola lwosena eji kuzatanga mujila yoyimwe. Ikiye lwola lwosena apwa; Ikiye atela kuchilinga lwola luno. Kaha, kuhichila muli echi, Kalunga milimo na kwinjikiza eli Lizu. Nge Ngunahanjika kuli enu ufuku unahichi, Kalunga kulinga kulumbununa Chenyi lyavene. Kalunga katonda umwe kulumbununa eli Lizu kuli Ikiye. Ikiye eji kulumbununa Echi Lyavene, kwinjikiza Echi, kulingisa Echi kupwa chamwenemwene. Kaha omwo Kalunga mwahanjika Ikiye mwaya nakulinga chuma chimwe, kahajino Ikiye mwachilinga echi, kakweshi cheka chihulako kuli echiko. Omu mukiko mujila Ikiye eji kulinganga.

¹⁰ Shikaho Kalunga atungile jila hali etu. Kalunga azanga vana Venyi. Ikiye azanga vathu Jenyi. Ikiye atondele kuvakafwa vakiko. Ikiye natondo kukukafwa ove kuhambakana omwo unatondo kukafwa. Kachi ove unahase nge muchima wove, uze Kalunga ali nakufwila kukafwa kuhambakana kulikafwa ovelavene. Oloze Ikiye atwama na jila, kaha ikiko kaha jila Ikiye mwakaya nakuzata shina kuhichila mujila Yenyi. Ove watela kwiza kujishimbi Jenyi, keshi kujoveko. Jishimbi Jenyi! Ove watondo jila yimwe, oloze Ikiye—Ikiye kuhana kuli ove mujila Yenyi.

¹¹ Nge Namani kujiminyina mu—mu—mu meya a Yotani. Mwomwoika, ikiye ambile ngwenyi meya akuze kulifuchi kupwa atoma kaha akanawa, oloze muze keshi mukiko ahanjikile kapolofwetoko. “Mbwitama hano.” Ikiye kumbwitamamo kamwe, mbumba hanga; kapapa ka sikisi, yapwile hanga kuze. Ikiye atelele kwononoka na kwiza mujila ya Kalunga. Kaha omwo Ikiye wakwononoka mwozena kujila ya Kalunga, mbumba yamusele.

¹² Kaha Ngwahanjikile, ufukuuno, nge kachi etu natwanonoka mujila ahakako ya Kalunga, mbumba yamusele, misongo nayiseza, vyuma vyosena kuya nakuseza, oloze etu twatela kwiza mujila Yenyi ya likumbi lino. Jino, kumbwitama mu Yotani kaweshi kulinga kalachuma chamwaza jino; uze apwile ha Namani. Lushimbi lwapwilenga ha—ha va Yuleya. Likoji linapu hali Kulishitu.

¹³ Oloze kala chisemunuino chineza nakupwa chihanda cha Mujimbu wamwaza vanachipolofweta lyehi. Eyi Mbimbiliya chinapu kusoloka chakuma mwozena cha Yesu Kulishitu. Kuze kakweshi cheka vyakunungako kuli Chize, mokomoko kalachuma kumbata kufuma kuli Chize; muthu uze alingile kupwa changu. Etu katweshi kuhakako chumako kuli Echi, kumbata chuma kufuma kuli Echi. Etu twatela kutala Muno kaha kumona chuma ikiye ashikile hali echi chisemunuino, kaha jino kutala chize kusoloka. Uze ikiye Kalunga kulumbununa Lizu Lyenyi Ivane. Omwo Echi ambile ngwenyi, “Mujike mwakaya nakwimita,” ikiye emichile. Echi

chikiko kulumbununa cha Kalunga Echi. Chuma Ikiye eji jishiko, chikiko Ikiye eji kulinganga.

¹⁴ Jino etu twamono nge Kalunga kalumukako vilinga Vyenyi vya kulinga vyuma. Ikiye lwola lwosena eji kulinga mwomumwe. Etu tuli vene nakwalumuna mwomwo etu twapwa vakukuminamo. Etu tweji kupanga kuluwisa chakala muyachi, na kukatula na kupwa kanawa. Oloze Kalunga apwa wakuzeneka maputukilo na makumishilo. Kusakula chenyi chatete ali lwola lwosena. Ikiye keshi kupwa wautongweko. Ikiye apwile. . . Ikiye napu sulo ya mangana osena. Ikiye ali mangana kaha mangana. Ikiye napu ngolo josena, ngolo jakuzeneka kukuma, kupwa kwosena, wamangana kaha wakuzeneka maputukilo. Shikaho shikangaho, omwo Ikiye mwahanjika kalachuma, imana mwono wove hali Echi, mwomwo chinapu muchano.

¹⁵ Jino mauka amwe kuhanjika, “Kaha etu katwafwelela *Echi*, kaha etu twafwelela *chize*.” Kalunga keshi kuhasa kusopesa ku—ku kaye ha liuka. Ikiye eji vakakuyula na Yesu Kulishitu, kaha Yesu apwa Lizu. Ikiye mwaya nakusopesa liuka ha Lizu.

¹⁶ Kaha kachi *Echi* chinapu kusoloka cha Yesu Kulishitu ha visemunuino vyosena, kaha hali chino chisemunuino, Ikiye ali solwele muli eyi Mbimbiliya chuma muka Ikiye mwakaya nakulinga muli chino chisemunuino; kaha omwo etu natumona Echi kulinga, omwo etu natumona Ikiye kulinga chuma Ikiye ashikile kulinga. Keshi kusemuka cha sanda ko; mwahichi myaka tu sauzande. Oloze chuma Ikiye ashikile kulinga lelo, chuma muka Ikiye ahanjikile Ikiye mwaya nakulinga lelo, muze mukiko Ikiye ali na lelo.

¹⁷ Lwola lwaluvulu, vathu ngwavo, “Chamwaza, Kangwa fwelela *Chizeko*.” Chamwaza, enu mukwechi kulumbununa cha Eva cheka; kupwa kaha nakumbata chihanda cha Echi, oloze keshi vyosena vya Echi.

¹⁸ Shikaho etu twatondo kwanuka nge Kalunga lwola lwosena apwa mwomumwe. Lizu Lyenyi, kaha chuma Ikiye ahanjikile, Ikiye mwaya nakuchilinga.

¹⁹ Kusolola nge Ikiye kalumukako. Mu Kuputuka 1, Ikiye ambile ngwenyi, “Echa kala mbuto kuneha muyachi wacho. Echa kala mbuto kuneha muyachi wacho.” Kaha hazevene, etu kupwa nachuma chimwe hazevene na kuhonesa kutonesa chosena. Enu kamweshi kufwatula vyuma. Enu mbatenu nge kavalu na—na. . . na uze—uze chimbulu, kuvasemesa hamwe, namuya nakupwa na mule, oloze mule keshi kuhasa kulisema chekako nakupwa na mule mukwavo. Eji kwimananga hazevene. “Kala mbuto yilinehe yivene.” Vakiko vanahase kulisema, oloze kwalumuka cheka vavene, kusolwesa nge keshi kulivulisa nge ngachizeko. Nduma, mwane. Echi nachimika kuze. Ove unahase kusemasa spinach na chumachimwe nawa, hamwe,

kaha kuneha kale, oloze kaweshi kuhasa kuyisemesa chekako. Nduma, mwane. Ove kaweshi kusemesa tiliku; oloze tumba uze mutondo wakusemesa tiliku cheka, kaweshi kulinga chuma chimweko. Enu mwatela kuchihokola lwola lwosena. Mwomwo, Kalunga ngwenyi, “Echa kala mbuto yinehe chuma chamuyachi wacho.”

²⁰ Kaha jino, ha kusemesa vyuma, kutala chumamuka kaye kalinako lelo. Ngwapwanga nakutanga mukanda hano, kufuma mu *Reader's Digest*, kuze, “Myaka twende kufuma jino, mapwevo kaweshi kupwa navakemba, kachi echi nachitwalilaho. Vakiko vali nakulya kulya vyakufutula.” Chuma chimwe yaechi, vakiko vanapu vakufutala, kaha chize keshi mujila yakupwa yakutunga yauthuko, kulya muyachi wakulya. Echi chatela kuliwana muli...mokomoko kulya mujila ize atangile. Uze ukiko mulonga, lelo, uze vakiko keshi kulama kulya na vyumavimwe mujila yili, mwomwo vanapu vakufutula, kuzuma kutambakana, kaha, mamalelo, kala muyachi wa jila. Uli kaha wakulifutula. Echi chikwechi uthu wamuyachi wosena kupwa nakwenyeka hakuhasa chavo, ha kweseka kumbata chumachimwe chize Kalunga atangile kupwa chamwaza, kaha kwalumuka nakujinguluka na kupwa mujila yikwavo, mu jila yavo ivene. Chiseze mujila ya Kalunga atangile!

²¹ Echili chili kuya muchihela muze vakiko kweseka kufutula cha mauka, lelo; kufuma mulujimiko lwamwenemwene lwa Shipilitu Wajila, kulimeka; muyachi wa kusapwila, kupwa lujimiko lwameya. Mamalelo, yami! Chumachivene chakufutula. Etu twatondo kukinduluk.

²² Mutondo wakufutula, enu kupwa na kembana na kusapwila, na kulama vambwangala na vimbombo kufuma muze. Oloze keshi mutondo wakulikangula wamwenemwene; ikiye kwimana, kujikiza, kaweshi na mbwangalako kwiza kuli ikiye. Ikiye atela kupwa wakutamo muli ikiye mangana atapule vambwangala.

²³ Kaha shikaho Mukakulishitu wamwenemwene! Ove kaweshi kuhasa kupwa na kembako na kumuveleka, kaha kumulweka ikiye *echi*, *chize*, mokomoko *chikwavo*. Ikiye akwechi chumachimwe muli ikiye, lujimiko lwa Shipilitu Wajila, chize nachimbila vyosena. Kaweshi kuhasa kuvalembelala nakuvajinguluka, mwomwo ikiye na mutondo wamwenemwene wa Kalunga. Ikiye kupwa na chumachimwe mu ikiye kupwa na jijita. Kuzunga cha Vakakulishitu hakala tando yahamavu ikiye kwimana. Ikiye atela kulinga chize, kachi ikiye atela kupwa wakulimanyina. Kaha, ha kulinga echi, kuli Chumachimwe muli ikiye chize nachihonesa ikiye.

²⁴ Eva esekele kupwa na apalahama nge Lizu, kukuputuka. Kalunga amulwekele ikiye, “Lize likumbi naukalyako, lize likumbi naukafwa.” Ikiye esekele kusemesa Echi na chinyingi chize Satana amuhanyine. Kaha omwo ikiye alingile, ikiye

ajimbalishile vathu vosena, haze vene, kuli liyavolo, omwo ikiye esekele kufutula Lizu lya Kalunga kuzeneka ujila na chinyingi.

²⁵ Echi kachafuma chinyingi cha Lizu ko, nachiza ha ngolo ja Shipilitu Wajila! “Keshi ha ngoloko, ha undume, oloze ha Shipilitu Yami,” mwanambe Mwata. Omu mukiko Kalunga eji kulinganga. Lizu lya Kalunga linapu Mbuto ya Kuyoya cha Hayamyaka.

²⁶ Kachi ove uli nakweseka kufutula Echi, chumamuka enu namuya nakulinga? Ove muya nakulijiha enu vavenena Chize. Kacheshi kuya nakuzatako. Nachiya nakulifutula kuhambakana maji mokomoko meya kufutula. Nachiya nakulingika.

²⁷ Vakiko kanda lyehi, mujila yosena, kweseka kuwana kalachuma chize chatela kupwa chamwaza kuhambakana jila ya Kalunga mwakulingila. Unatachikiza, vakiko kanda lyehi vawane jila, kuhambakana, ha kasumbi wakusemuka muno mukaye, kuhambakana tuvalu lyavene muze muchiyawu. Mwatachikiza echi? Vakiko kavawanyine jila ya mwazako. Uze mukweze wamundende kusemuka na mwiji kakandende kusongo ya venyi—na kusongo yakutosongo yenyi. Kaha uze mukanda waundende kupwa, kuya nakuzata na kuya kulikula, kulikula hanyima na vyangocho, palanga ikiye kupwa namutwe wenyi kuputuka, kumbata mutwe wenyi kulovola, kulingisa muvumbo wenyi kupwa wakukasunuka. Echi chinapu jila ya Kalunga yakwala lyehi. Ove mukoka ikiye kufuma muchiyawu, nachijiha ikiye. Ikiye keshi kuyoya kachi ove mukoka nenyi kufuma muchiyawu. Ikiye atela kwiza jila ya Kalunga.

²⁸ Ou ukiko ukalu na Vakakulishitu lelo. Etu shikaho kuvakwita sopo vakiko, kaha etu kunyikisa mavoko avo na kuneha vakiko kupenge, kaha kununga vakiko kwingila muliuka. Chuma vakiko vanatondeka kulomba chamwaka chakukamenga kuze vakiko valombelelenga nakuhita, palanga kulizachisa vavene, kwiza mu jila ya Kalunga, palanga vakiko vavene kupwa vakukasunuka kufuma mukaye. Ukalu uliho hali echi, lelo, vakiko veji kuhaka lijina mu mukanda na kulinunga muliuka, kaha mukiko kaha chatela kupwa. Oloze jila ya Kalunga, yakwala lyehi, shina kutwama kuze na kuzata jila yove nakuhita, palanga Kalunga mwamihana Kusemuka chachihya. Chize chakwoloka vene. Kumbata ikiye nakuya, nachiya nakujijiha ikiye.

²⁹ Ou ukiko ukalu, lelo, na vathu. Kusemuka Chachihya, vakiko vosena veji kungujiha echi. Vakiko kavazangile chizeko. Mamalelo, vakiko kupwa kushishisamo chumachimwe ha Kusemuka chachiya, “twaya na kufwelela, kaha mukiko kaha ove watela kulinga.” Ou liyavolo afwelela, lyavene, kaha enu munatachikiza ikiye kasemuka chachihya. Kuze kuli Kusemuka chachihya. Kuze kuli chumachimwe kuya na echi, muyachi wa kuzeneka kutela, kuzeneka kutela mukaye.

³⁰ Kala kusema chapwa majilo. Kangwazakama kulihi chili. Kachi chinapu mulimba lya ngulu, mokomoko—mokomoko muchipatela. Kusemuka chosena chapwa majilo.

³¹ Shikaho echi chinapu Kusemuka chachihya! Echi nachiya nakukulingisa ove kulinga vyuma unazeneka kushinganyeka nge unahase kulinga. Nachiya nakukilingisa kwiza kukamenga na kulila nakutambakana, kukosa putula kumeso ove, katulenu mavoko enu, kwalisa Kalunga, hanjika mumalimi, na vyuma vyosena. Chize chinapu Kusemuka chachihya nachiya nakulingika ngana mwomwo yinapu jila ya Kalunga yakwala lyehi ya kusemuka chachihya.

³² Ove watela kufwa. Ove watela kufwa shimbu kanda ove usemuke cheka. Kala mbutu yatela kufwa shimbu kanda yiliseke cheka. Kuvangila kufwa, nayipwa ukawayo. Kala muthu atela kufwa kuvishinganyeka vyenyi ivene. Ikiye atela kufwa kuvishinganyeka vya kala chuma oloze Lizu lya Kalunga, na kwiza mujila Yenyi. Echi chinapu chihela cha Kalunga. Etu katwaliwana Ikiye ha vishinganyeka vyetu; etu twamuwana Ikiye ovyo Ikiye ahanjikile kulinga. Eyi ikiko jila ya Kalunga yakwala lyehi hali echi. Vathu kuchina echi; vakiko kavazangile chizeko. Oloze yinapu muchano, kupwa kaha mwomumwe. Chili, nachineha kufwa, kaha ove watela kufwa, kufwa kukushinganyeka chove.

³³ “Chamwaza, Ngunatachikiza eyi Mbimbiliya yahanjika echi, oloze Kangweshi kuhasa kwivwushisako.” Kahajino twama hano palanga nomu Kalunga mwachisolola echi. Echi chakwoloka. Echi chikwechi. . . Echi chinapu Kusemuka chachihya.

³⁴ Vapato na mashishi, vakiko kanda lyehi vawana jila yambwende yavakiko yakuya Kumusamuko, kuhambakana kupwa hamwe chatete. Kaha echi chakwoloka. Enu namuya nakuvamona hamwe kaha vakiko navaya nakwiza vavene, chuma chimwe chakulimanyina kuvakoka vakiko hamwe, kaha vakiko kupwa hamwe na kuliunga hamwe shimbu kanda kutuka, shimbu vakiko vayenga Kumusamuko. Chuma muka echi? Lunapu lwola lwa kuhizumuka, omwo vakiko vosena hamwe. Enu mweva lyehi chuma kana muchiyoyelo chenu, nge kwivwa vakiko mashishi kupwa hamwe, mokomoko vapato? Kanda lyehi ngwivwenga chuma kana! Kaha vakiko mukiko vapwa. . . Kakweshi jila yekako, jila yambwende kuli vakiko yakulinga chize.

³⁵ Lwola lwaluvulu, muze muchipapa kumututuko, Ngwatalile maputukilo atete amuchishika, mu Canada. Lizavu lya vapato vakusemuka muzevene muchijiva, vakiko kanda lyehi vafumemo muze muchijiva, uze mukweze kanda lyehi. Kaha chuma chatete munatachikiza, ize peho yituta kwiza nakushikumuka kufuma Kumututuko. Uze wamundende, wamundende wamwaka

wakuhona kusoloka kanawa, ikiye asemuka kaha kupwa twamina, ikiye kuya hakachi ka chijiva, kwimika muvumbo wenyi mupeho, kutambakana kawana mokomoko katanu, kaha pato wosena muze muchijiva kwiza kuli ikiye. Kaha ikiye kukatuka kufuma muze, kaha kuya kaha nakutalisa ku Louisiana ikiye kuya kaha, vyana vya loso.

³⁶ Mwomwoika? Vakiko kavawanyine jila ya mwaza kuli ikiye yakuya kuzeko. Ove kaweshi kuvahasa kuvafungako. Ove kuvahaka hamwe mumwe mwakuvatela na... kuvafwika, na kuvaveta hamavu. Uze pato akwechi mangana ambwende kuhambakana chize. Kaha ove kumuhaka muli chize chikumbu, mangana kachi umutwale kuze, ikiye atachikiza nge uli nakumutwa nakumujiha. Echi chili vene chakwoloka. Ikiye mwaza jila ya Kalunga ahakako lyehi.

³⁷ Mukiko mujila muthu atela kulinga lelo, keshi waktwaminyina mukala chikumbu cha chikungulwiloko. Oloze twaya mujila Kalunga ngwenyi twaya nakwingila, ha lujimiko lwa Shipilitu Wajila na Kusemuka chachiya, na kuya mukuliwana cha kukuhizumuka. Keshi liuka kuliwana, kulombalomba kufuma kuchikola na kuchikolo, kaha kuhichisa mangajinyi; oloze Kusemuka, kupwa wakusemuka chachihya, wakuzala na Shipilitu Wajila, jila ya Kalunga, kukasunuka kufuma kukaye. Chakwoloka! Kufwelela Lizu Iya Kalunga! Elu lwola luli hano. Omu mukiko etu twatela kufwelela.

³⁸ Muthu, ove kaweshi...Kangwalizakaminako omu vathu vangahi vanahase kweseka kya kuli uze pato wamuchijiva na kuhanjika, “Jino vandamina munyutu kaha, ove pato wamundende, ngukwechi chuma chimwe nguhanjikae nayove. Etu twapwa vapato vakutanga hano. Ikiye apwile Ph.D. na LL.D. Ngulinakumulweka nge, ikiye atela kumitwaminyina.”

³⁹ Vaze vapato vapwile na vishinganyeka vyakutamo kuhambakana chize. Eyo, mwane. Vakiko kavalizakamina hali echi kutanga chambwende, kalamwosena omwo chili. Vakiko vanahase kwambulula kuhanjika chize mwahana. Chinapu kwivwa chakulipwila. Mamaah, yami! Eli liuka lyatela kutachikiza hali eli Lizu Iya Kalunga!

⁴⁰ Echi chinapu kwivwa cha chivwumino chakuzeneka kulumbunuka. Eyi Mbimbiliya ngwayo, Paulu ngwenyi, “Kachi tolombita nayihana chivwumo chakuzeneka kulumbunuka, hiya mwaliwahisa lyavene aye kujita?” Echi chakwoloka, kachi eli liuka—kachi eli liuka nalihana chivwumo chakuzeneka “kulinunga.”

⁴¹ Kalunga ambile ngwenyi, “Kusemuka!” Chuma muka Kusemuka chalingikile kuze, Kusemuka cheji kulinga mwomumwe na lelo, mwomwo Yesu Kulishitu apwa youmwe zau, lelo, na hayamyaka. Chuma muka Ikiye apwilenga jino, Ikiye ali nalelo. Chuma vakiko valingile, chinapu chuma

chochimwe etu tuli nakulinga lelo. Mujila vakiko vapwile Nacho kuze, ili chochimwe vakiko valinakulinga na lelo. Chuma Chochimwe vakiko vakwechi lelo, chikiko vakiko vanakinduluka kuze. Kachi Echi nachiza hali vyosena, Echi nachiza mujila kana. Eyi ikiko jila, jila ya Kalunga yakwala lyehi. Echi kanda lyehi alumuke.

⁴² Vapato kanda lyehi valumuke. Vakiko kupwa hamwe mwosena, hamwaka hamwaka, kuya kumututuko, kumusamuko, kaha mwosena omwo vakiko navaya. Vakiko kupwa hamwe chatete.

⁴³ Omu mukiko mujila Kalunga eji kulinganga. Ikiye eji kutuma Lizu Lyenyi ha ngonde, ize ngonde, kahajino Echi chinasoloka. Kaha Kangwalizakamina vyuma vyavivulu vize vili nakuya; omwo vakiko navamona Lizu Iya Kalunga Iya kushika Iya lize likumbi, kupwa wakwinjikiza na lushiko, kakweshi chuma nachiya nakwimika vakiko. “Sanda mwakaya nakwimita.” Kaha omwo vakiko vahanjikile. . .

⁴⁴ “Uze Mwata Kalunga ketu mwakaya nakukatula Kapolofweto wakufwana nge yami,” Mose ngwenyi.

⁴⁵ Kaha omwo vakiko vamwene ou Lunga ejile nakulinga vyuma Ikiye alingile, vakiko vatachikijile nge apwile Meshiya. Omwo Fwilipu amwene chize, ikiye ngwenyi, “Ove yove Kulishitu. Ove yove Mwangana wa Isalele.” Ikiye atachikijile mwomwo lize Lizu lyashikile chize, kaha lyapwile nakuyoya muli lize likumbi. Chipwethuhu va Fwaliseu nava Sanduke, vemanyine kuze, Mandotolo Vakutahisa, kavamwitavilile chipwe chindende, mwomwo ikiye apwilenga nakutala hali chize chinjikizo. Omwo ikiye amwene chize kulingika, nge chapwile chinjikizo cha ola. Muze mukiko vakiko vapwilenga nakutala, mujila ya Kalunga. Eyo, mwane.

⁴⁶ Jino enu kamweshi kumuhana pato kutangako. Ikiye keshi kuhasa kuchilingako. Ikiye keshi kuchizangako. Vapato vosena kaveshi kuhasa kumukavangizako, chipwethuhu mwapwa namandingili angahi nahase kuhanjika. “Jino, tala hano, Ngunayinga kushikola yamapato. Ngunatachikiza vyosena evi. Ngwakumisa nakukumisa. Ngunatachikiza vyuma vyosena evi.” Echi kacheshi kuhasa kulinga numba mwamwaza mwamundendeko. Naumwe hali vase vapato vanahase kumukavangiza ikiye, kachi vakiko vanapu vapato vamwenemwene, amena, mwomwo vakiko vali nakutala ha chinjikizo chimwe. Omwo vakiko navamona chize chinjikizo, vakiko vafwelela echi.

⁴⁷ Kaha kachi pato alina jila yakutachikiza echi, ngachilihi Mukakulishitu wakusemuka chachihya? Etu twatela kutachikiza Yesu Kulishitu mu ngolo ja kusanguka Chenyi. Chakwoloka. Kalunga eji kulinga jila Kalunga ahakako yakulingila.

48 Anuka, kutanga kacheshi kupwa hichitwa chakuvatwaminyina vakiko kuchihela nahakeko Kalungako. Chitwa kaha vakiko valinacho chakulimanyina. Kaha vakiko, mapato, vatachikijiza nge pungu yakulimanyina kuvatwala kuchihela nahakeko Kalunga.

49 Shikaho mukiko eji kulinganga Shipilitu Wajila kutwala Liuka lya Kalunga kuchihela ahakako. Keshi kulinunga na liuka ko, oloze kupwa wakuzala na Kupwa Chenyi, kumona Lizu Lyenyi kusoloka, kwinjikijiwa. Eyi ikiko jila ya Kalunga yakwala lyehi kuliuka, lwola lwosena, yavathu, kuvaneha kuchihela chize Kalunga ahakako kuli vakiko. Omu mukiko liuka lyatela kupwa nalelo. Jino, etu tunatachikiza nge ou unapu muchano.

50 Kakweshi jila yeka yamwazako. . . Vakiko kavawanyine jila yamwazako ya kemba kutonda chuma natondo kuhambakana kuchililila. Kachi ove mumuhana ngezo, nakwamba gwove, “Nswana, ove uli kaha namakumbi atatu akusemuka, oloze jino omwo ove mutonda, omwo ove mutonda mutumwa, katula eyi ngezo nakuyimba,” talenu kachi nachizachiwa. Kayeshi kuzachiwako. Uze kemba mwalila ha chuma natondo. Ize ikiko jila ahakako Kalunga. Kulila nakutambakana. . . Kanda kumuveta uze wamundendeko, ikiye ali kaha nakukavangiza jila ahakako Kalunga. Ikiye natondo chumachimwe. Echi chakwoloka. Eyi ikiko jila ikiye atachikiza kusanyika mama yenyi; kutambakana hali echi, kulila. Echi chakwoloka.

51 Kalunga etaviza echi kuli vana Venyi. Kalunga etaviza echi kupwa cha vana Venyi vakakufwela. Ikiye mukiko alingile. Keshi kuhanjika chakutangako, keshi kutanga chimwe chachinene, kutanga chauthu. Ikiye natondo ove kulilila ocho unatondo. Kaha chize chakwoloka, kuchilila! Enu muli vakujijila nakuma, ove kweshi kuchitambulako. Kachi ove uli watondo kupwa mumwe ove chindende, kaha kulila, Kalunga mwaya nakukuhana ove. Ikiye asaka kwivwa vana Venyi kulila. Kulila chove chinatondeka kuli Kalunga! Kalunga natondo echi. Eyi ikiko jila Yenyi ahakako lyehi. Kulila hali echi! Omu mukiko mujila uze kemba ali nakuhanjika; mukiko mujila Ikiye natondo ove kulila.

“Kulila palanga nalwola muka?”

52 Kemba eji kulila palanga nalwola muka? Palanga ikiye mwasuwuluka. Kaha eyi ikiko jila mukakufwelela Mukakulishitu atela kulinga, mwana Kalunga. Kachi enu namumona ngchize nge Kalunga ahakako lushiko, kanda kuzeyako, lila palanga nakumbulula. Kulila palanga enu namumona Kalunga kwinjikiza Lizu Lyenyi. Nge Kalunga nenjikiza Lizu Lyenyi, kaha kulinjikiza hano vene, kahajino enu kamwatela cheka kulilako; ove ukwechi echi, kutambuka nakuya na kumusakwilila Ikiye hali chize. Palanga nomu

namuchilinga, kutambakana palanga nomu nautambula. Ngwazanga chize, kukakachila, kukwachilila nakutwalilaho.

⁵³ Keshi mutondo wakufutula, keshi uze vatela kulela na lembejeka, kaha kumuveleka. Vakakulishitu vapwa vene, vamwenemwene, vakusemuka, mikanda ya Kalunga. Vakiko veji kuzungila chihela chavo, kaha kuzunga palanga vakiko vanakumisa hano hamavu. Kala kutambuka chosena chinapu kuzunga.

⁵⁴ Kalunga amulwekele Mose Ikiye amuhanyine lifuchi. Ikiye amulwekele Yoshiwa, “Kala chihela lihnji lyove, mokomoko chipundo chalihinji, naukalyata, chize Ngunakuhanecho.” Vakiko vatelele kuzunga kala tambo yosena. Shikaho etu twatela kuzunga kala tambo yosena. Echi kacheshi chumachimweko chakulela nakulembejeka, na kujinguluka nge ngachichize, na kuhanjika, “Chamwaza, Nanguya nakukumbata ove kuze, talenu omwo enu munashinganyeka hali echi. Enu namuhita hali kujina chenu.” Echi kacheshi mujila kwiza ko.

⁵⁵ Twaya nakufwila. Twaya nge ove uli nakuya nakutwama kuze palanga chinahichi. Twama haze palanga nomu Kalunga mwakukumbulula na kwinjikiza. Muthu uze afwelela muli Kalunga, nahase kumona Kupwa Kumeso a Kalunga, kwivwa Kupwa kumeso a Kalunga, chishinganyeka ha kupwa Kumeso Kalunga, kaha kutachikiza Ikiye ali hano. Ikiye ali hano kukumbulula vyuma vyosena Ikiye ashikile lushiko hali lino likumbi. Kahajino, kulila palanga nomu nautambula! Kwachilila kuli Ikiye. Kanda kusezako, kachi ove watela kutwama musana na ufuku. Kalunga katonda vana Venyi kwivwulila kukuhanjika cha mukutangako. Ikiye atonda vakiko kulilila Chize, palanga lushiko vanalwijnjikiza.

⁵⁶ Apalahama hano ali nakutonda mulambu. Chasolokele ngachilili? Kalunga amuwahishile ikiye mukoko. Ize yapwile jila ya Kalunga ahakako lyehi. Ikiye atondele mulambu, shikaho Kalunga ayihakileko. Kufuma haze, ikiye avulukile chize chihela *Yehova Yile*, “Mwata mwaya nakulihana Lyavene mulambu.”

⁵⁷ Jino, Yopa, lwola lumwe, kapolofweto wakashinakaji, Yopa. Ikiye apwilenga kapolofweto. Ikiye engilile muukalu. Satana afwilile kumwesaka, kaha ikiye amuhakile mahute. Kaha ikiye ambachile vana venyi, ikiye ambachile utanga wenyi, ikiye ambachile vyosena ikiye apwilenga navyo, kaha ikiye amuhakile mahute.

⁵⁸ Kaha vakakumuvendejeka vejile, vakiko valingile ika? Vakiko kavamuhanyine nachumachimweko shina kumuseha, kumutoleka, kumwamba, “Mwomwoika, ove unavulumuna, chakupenge.”

⁵⁹ Kaha Yopa akwachilile kaha. Ikiye alilile. Ikiye apwile wakukunyuka nge ikiye apwile nakukavangiza jishimbi ja

Kalunga. Ikiye alingile vene muze ashikile Kalunga kulinga. Chuma Kalunga amushikile ikiye, nge Ikiye mwaya na kumwimanyinako ikiye, mwishi ya mulambu wakulumba, kaha ikiye atwamine kuze.

⁶⁰ Shikaho, Kalunga amuwahishilile ikiye chimweno. Ikiye apwilenga kapolofweto. Chuma muka ikiye amwene? Ikiye amwene lize Lizu, Yesu Kulishitu. Ikiye ambile ngwenyi, “Ngunatachikiza Mukakungusokola ayoya. Kaha ha makumbi akumakumishilo, Ikiye mwakaya nakwimana hano hamavu. Chipwe chikova makenye navakachenyeka ou mujimba, oloze mumujimba wami wanyama Nangukamumona Kalunga.” Talenu, Ikiye amunehelile chimweno kuli ikiye. Ikiye hakupwa kapolofweto, ikiye amwene Lizu. Ikiye amwene lize Lizu kaha ikiye atachikijile nge vifuwa vyenyi kaha mujimba wenyi navakaya nakusanguka cheka mumakumbi akumakumishilo. Ikiye vamuhulile nge atachikiza okwo atwama Kalunga, kachi ikiye nahase kaha kumona.

⁶¹ Ikiye ambile ngwenyi, “Nge temo nayifwa, yeji kusanguka cheka; mutondo nauhola hamavu, nausanguka cheka; oloze muthu mwasavala hamavu na kuhana shipilitu, ikiye apwile mwanonga, ali kulihi? Ove ngana Ove mungusweka yami muchimbumbwe, kaha ngulamina muchihela chakusweka palanga utenu Wove unahichi.”

⁶² Kahajino mikalateta yaputukile kukumbwoka, ize miveso yaputukile kuvesa, ize Shipilitu ya Mwata yejile hali kapolofweto. Kaha ikiye emanyine, kaha ikiye amwene Kwiza cha Mwata, kaha ikiye atambakanyine, “Ngunatachikiza Mukakungusokola ayoya, kaha kumakumbi akumakumishilo Ikiye mwakaya nakwimana hano hamavu. Chipwe misanguya vamuhulile chikova navenyeka ou mujimba, mumujimba wami wanyama Nangukaya nakumumona Kalunga.” Kalunga ahakako eli Lizu, Yesu Kulishitu, kaha ikiye amwene Ikiye kaha amusanayikile Ikiye Mukakungusokola.

⁶³ Isalele atondele jila yakuya ku Ejipitu, kaha Kalunga avawahishile vakiko kapolofweto, kapolofweto uze enjikijile Lizu lize vashikile kuli Apalahama. Mukiko vene, jila ahakako lyehi ya Kalunga! Vakiko kavahashile numba kulongesa liswalale ko, vakiko kavahashile kulinga *chizeko*. Chuma kaha vakiko valingile shina kuvandamina ha jila ahakako Kalunga. Kaha Ikiye amulwekele, ngwenyi, “Ikiye mwakaneha vathu nakuvalovolamo, hanyima ya myaka fwo handulendi. Vathu jenyi navakaya nakuvahaka muundungo, oloze Ikiye mwakaya nakuvafumisamo na livoko lya ngolo. Ikiye mwaya nakusolola vinjikizo Vyenyi na vikomwesa, na kuliwanyina upahu mulifuchi lize.”

64 Hano kwejile muthu nakushikumuka, omwo vakiko valilile na kulila! Kaha jino anuka, kulila chosena kaveshi kuhasa kuvasokolako, palanga lwola lwazalishiwe.

65 Vyuma kana evi etu tuli nakumona lelo, kavyahashile kusolokako mummyaka twende okwo, mokomoko fwote okwo. Echi chili lelo echi nachisoloka. Luno lukiko lwola! Luno lukiko lwola! Jino luno lukiko lwola lwakuzalishiwa. Mwomwoika? Kalunga ashikile echi, kaha hano chili.

66 Vakiko ngwavo, myaka handulendi kunyima okwo, nge, “Elu lujimiko lwa Shipilitu Wajila keshi kuhasa kupwako cheka.” Vakiko vambile ngwavo, myaka fifite kunyima okwo, “Uze Shipilitu Wajila. . .” Oloze enu vathu va Chipendekosita avenjikile, nge lwapwile ola ya Kalunga kuhingununa Shipilitu Wajila. Chipwethuhu chipwenga ngachilihi ka Mesondisiti, Mbaputishiti, Pulishiteliyani, Luteleni ngwenyi, ove twama kaha na Lizu lya Kalunga. Malunga vakuhamuka kuya kuze na kukwachila palanga lujimiko lwa Shipilitu Wajila kwiza, kaha vakiko vahanjikile mumalimi na kumutohwesa Kalunga. Naumwe pimbi mwakulweka kala chihandwa. Kalunga napu Lyavene Ivene mukakulumbununa; munachikwate echi. Enu munahase kuhona kupwa vakuhasa kulumbununa echi, oloze enu munatachikiza enu mukwechi. Hiya nahase kulumbununa Kalunga? Naumwe pimbi.

67 Kangweshi kuhasa kumilweka enu omwo Kalunga nahase kusolola chimweno, oloze Ngunatachikiza nge cheji kusoloka. Kangweshi kuhasa kumona omu Kalunga nahase kulinga vyuma kanako. Ou kaweshi mulimo wamiko wakulumbununa. Ikiye, atwama ukawenyi. Ikiye napu Elohim, uze Umwe wakulimanyina. Yami ngu ngamba Yenya. Ngunatachikiza Ikiye ashikile echi, kaha Ngunatachikiza vili hano. Echi chikiko chuma chimwe Ngunatachikiza. Ngunatachikiza chize, nge Ikiye apwa youmwe zau, lelo, na hayamyaka. Ngunatachikiza Ikiye ashikile echi, kaha Kalunga ali hano kutunga lushiko Lwenyi lwa muchano. Yaah. Kalunga atwama najila ahakako lyehi!

68 Isalele apwilenga kapolofweto wa kuzalilila, lize Lizu lya kwinjikiza, kaha vakiko vavanehele. Ou kapolofweto, Mose, ayoyele myaka muze mupambo, myaka fwote, kulipika navaze vathu, kweseka kualama palanga nakuvatwala kulifuchi lya lushiko. Echi chejile kuchihela, muthu atela kufwa; ikiye apwile na handulendi na twende yakusemuka. Kuze kakwapwile chihela cha ikiye kufwako. Omwo ikiye apwile wakulizanga kufwa, Kalunga amuwahishile ikiye Lilolwa; lize Lilolwa lize ikiye avetele muze mupambo, lize Lilolwa lize lyavakavangijilenga vakiko, lize vakiko vapwilenga nakunwangako. Kalunga amuwahishilile Lilolwa, chihela chakufwila, kuze Mose atelele kufwa mukufwa chakalemesa.

69 Hali eli Lilolwa, Kalunga, echa ngufwenga ha Lilolwa lyolimwe! Muze mukiko Ngwatondo. Lize Lilolwa lyapwilenga Kulishitu Yesu. Eyo, mwane.

70 Hanyima ikiye kufwa, hali lize Lilolwa, ikiye atondele tufunde. Kalunga amutuminyine lizavu lya Vangelo. Mwomwoika keshi lizavu lya vakulwane? Mwomwo keshi naumwe pimbi ahashile kumutwala kuze ikiye apwile nakuya, shina Vangelo. Vakiko vamuhakile mu Kumeso a Kalunga, ikiye atondele tufunde kaha Kalunga avanehele. Ikiye ayile jila ya Kalunga. Haleluya!

71 Enoch atambukile mu myaka faifi handulendi na Kalunga, kaha ikiye amuvwishile kuwaha Ikiye. Ikiye atondele likula jila yakuya Kwimbo. Kalunga ayiwahishile.

72 Eliya ajishingile Yezevele hameso eyi akukwita ulombo, kaha jila yenyi alingishile vathu vosena kulinga ngachize. Kaha ikiye apwile wakuzeya na kuzeya, kaha apwile wakulizanga kuya Kwimbo. Ikiye apwile kashinakaji chikuma kahashile numba kutambukako kuzauka Yotane; Kalunga ahakileko jila ya ikiye yakuzauka Yotane. Ikiye atondele kuya Mwilu, kuliwana na Kalunga; Kalunga atumine litemba lya kakahya, na vimbulu, nakumutwala helu. Kalunga ahakako jila. Kalunga ahakako jila. Ikiye lwola lwosena eji kuzatanga mwomwwe. Chakwoloka. Eyo, mwane. Kalunga mukakuhana jila, lwola lwosena. Eyo.

73 Vaze malunga vakamangana, omwo vakiko vapwilenga mujila yavo kufuma ku Mbavilone, vakiko vapwilenga nakumona jila vakiko vatondele kuya nakushikumuka, mwomwo vakiko vatachikijile uze Mwangana nasemuka. Vakiko vatondele tetekeli; Kalunga ahakileko Tanganyika. Vakiko vasele vyuma vyosena cheka kunyima. Vakiko kavatondele maputukiloko; vakiko vakavangijile Tanganyika. Eyi yapwile jila ya Kalunga. Kalunga ahakako jila, vakiko vakavangijile Tanganyika palanga vakiko vawanyine Kumunyika cha kukupuka. Mamalelo!

74 Aka kaye katondele Mulwilo, likumbi limwe. Vakiko vapwile vakujimbala; vakiko kavatachikijileko. Vakiko vashinganyekele vakiko vavalwile, oloze vakiko vatondekele Mulwilo. Kalunga amuwahishile Mwana, kupwa Mulwilo. Mwomwoika? Naumwe pimbi mwahasa kuchilinga echi. Kakwapwile muthu hano hamavu, naumwe muthu Mwilu, kumwe, apwile wakatela kuchilinga. Kalunga amuuville mujike, ikiye emichile na kuneha Mwana Muthu. Kaha uze Mwana Muthu kapwile ka Yuleya ko mokomoko Mukamafuchi eka na eka. Ikiye apwilenga Kalunga, kusoloka mumusonyi, uze Umwe kaha nahase kusokola. Manyinga Eyi eji kutulwila etu. Manyinga Eyi eji kutukanga etu. Anapu Manyinga awa etu tunahase kwimanaho, kukala lushiko luze Ikiye atungile. Kalunga ashikile kulinga echi.

75 Kalunga eji kuliwananga na muka kulifukula kuhichila mu Manyinga, kaha mwishi ya Manyinga. Isalele apwile na chihela chimwe chakuliwana na Kalunga. Keshi mu . . . Kalunga atwama na Chihela chimwe, lelo, nge Ikiye—Ikiye eji kuliwanyinga na muka kulifukula; keshi ha Mesondisiti, Mbaputishiti, mokomoko Pendekosita. Ikiye eji kuvawanyinanga mwishi ya Manyinga. Chize chikiko kaha chihela ahakako cha Kalunga; keshi mulizavuko, keshi mukuliwanako. Oloze mu Manyinga ali muli Yesu Kulishitu eji kuliwananga na mukakulifukula Wenyi. “Omwo Nangumona Manyinga!” Muze mukiko Kalunga atwama najila yakwala lyehi.

76 Hanyima ya liuka linapunga mwosena lyakukunyuka, omwo vakiko vamwene Ikiye, nge Ikiye apwilenga Meshiya!

77 Omwo uze pwevo wamundende haze ha lishima, omwo ikiye atondele Mulwilo, ikiye atondele chumachimwe kusoloka. Ikiye apwilenga kuliuka na vyuma vyosena, kaha vakiko vamwene eyi jishimbi jauthu na vize jishimbi jauthu, palanga, ikiye alumukile nakupwa lihule. Chamulingishile ikiye kupwa mujila. Likumbi limwe, ikiye apwile nakuya nakumbata mulondo wa meya, pamo leveni koloko muli lize likumbi, kaha haze hatwamine Lunga; ka Yuleya, chize kusoloka chachindende. Kaha ikiye ambile ngwenyi . . .

78 Omwo ikiye ayile ashikumwishile chikopo chenye mulishima, ambate meya, ikiye evwile Lunga kuhanjika, “Pwevo, ngunehela Yami meya ngunwenga.” Kaha ikiye ambile ngwenyi . . .

79 Ikiye alumukile washi washi, kaha kushinganyeka Ikiye kupwa ka Yuleya kaha, mwomwo Ikiye apwile vene muthu namujimba apwile nawo. Ikiye apwile Lunga; kulya, kunwa, kusavala, nge omu tweji kulinganga. Ikiye apwile muthu chikuma palanga Ikiye ahashile kufwa, kaha ohonyi Ikiye apwilenga Kalunga. Kahajino etu twawane nge . . .

80 Ambile ngwenyi “Echi kacheshi chisemwa chetuko kuli enu va Yuleya kuhula vaka Samaliya vyuma vyakufwana ngachizeko.”

81 Ikiye ambile ngwenyi, “Oloze kachi ove wejivanga Hiya ou uli nakuhanjika nenyi, ove kachi unanguhulu Yami kunwa.” Ambile ngwenyi, “Yako kambate lunga lyove na kwiza kuno.”

Pwevo ambile ngwenyi, “Kangweshi na lungako.”

82 Ambile ngwenyi, “Ove unahanjika muchano. Ove ukwechi vatanu, kaha umwe ove uli nakuyoya nenyi jino keshi woveko.” Chasolokele ngachilihi? Kalunga amuwahishile vyuma vimwe hali ikiye.

83 Ikiye ambile ngwenyi, “Mwane, Ngunamono ngana Ove wapwa uka polofweto. Etu tunatachikiza nge omwo Meshiya mwakeza, Ikiye mwakaya nakutulweka etu vyuma kana. Omu mukiko Ikiye mwaya nakulinga. Eli Lizu kuhanjika ngocho. Etu

tuli nakutala hali echi. Nguli nakuviza na kuzeya hali vyosena evi, jishimbi javo na vyuma, Fwalisewu, Sanduke, nava Helote, kala mwosena chatela kupwa. Oloze etu tunatachikiza Meshiya ali nakwiza, omwo Ikiye mwakeza. Chuma muka Ove muhanjika hali echi?”

⁸⁴ Ikiye ambile ngwenyi, “Yami Vene.” Amena! Kalunga atwama na jila yakwala lyehi. Ikiye asele mulondo, pwevo wa kwalumuka, kaha kulaha nakwingila mumbongi, kaha ngwenyi, “Twaya, mumone ou Lunga Uze nangulweke vyuma Ngwalinga. Kumana ou keshi Meshiya ko?”

⁸⁵ Petulu, kwivwulila kumujimbu wa Andeleyi, kaha lwola lwaluvulu apwile nakwivwulila, kwivwa Andeleyi kuhanjika hali Yowano kulijimbula Meshiya, uze apwile Muthu, kaha vyuma vyosena kusoloka. Echi chapwile mangana akusweka a Petulu. Oloze likumbi limwe ikiye ejile na Andeleyi, na kumona Yesu. Kaha omwo ikiye apwile Kumeso a Yesu, Yesu atalile hali ikiye, kaha Ikiye ambile ngwenyi, “Lijina lyove linapu Shimona, kaha ove unapu mwana Yona.” Kalunga atwama najila ya Petulu kumona Hiya Ikiye apwilenga. Ikiye apwilenga uze Meshiya.

⁸⁶ Jino etu tunawane nge, hanyima ya Yesu afwile, kaha akandukile Mwilu, Liuka lyatondeka Ngolo, jakwambulula. Kalunga avahanyine vakiko Pendekosita. Ikiye awawahishile Pendekosita.

⁸⁷ Myaka tu sauzande yahichi, masepa. Myaka tu sauzande yahichi. Mu mumakumbi ano amakumishilo, etu tukwechi, muthu nengila muzachiso ya Ukulishitu kaha kuchongonona Echi cheka, kufutula Echi palanga jishimbi jauthu, mauka, vikungulwilo, kuhanjika chamukakutanga, palanga Ngolo na chuma chivene cha Mujimbu wamwaza wa Kulishitu unajimbala. Kaha hano etu tuli na Lizu lya lushiko lya kumakumishilo, chumamuka nachisoloka, nachiya nakusoloka; muthu keshi kufwelela Echiko. Vakiko vafumine kuli Echi. Enu vahulenu vakiko kachi vanapu Mukakulishitu; hanjika, “Ngwapandama ku *munganji mukananga*.” Echi kachalumbunukile chuma chimwe ko. Ove watela kupwa Mukakulishitu ha kusemuka. Jino etu tukwechi chuma chosena kwingila Mbavilone cheka, hanyima ya myaka tu sauzande.

⁸⁸ Eli Liuka lelo lyeji kutonda Ngolo na Muchano, cheka. Mamalelo! Kalunga akatwile Mwana Walunga, uze vanahase kuzakaminanga, mwomwo Ikiye ngwenyi, “Chindende kaha kaye kakeshi Kungumonako chekako; oloze enu namukaya Nakungumona, mwomwo Nanguya nakupwa na enu, na muli enu.” Etu tunawane, mu Hepelewu 13:8, “Ikiye apwa youmwe zau, lelo, na hayamyaka.”

⁸⁹ Etu tunawane, mu Malaki 4, nge Ikiye ashikile etu Mujimbu mumakumbi amakumishilo, echi nachiya “kutungulula

Lufwelelo lwa vathu kukinduluka kuli masevo cheka.” Ikiye ashikile echi, mumakumbi akumakumishilo.

⁹⁰ Ikiye nawa ashikile, mu Yowano 14:12, “Wosena mwafwelela hali Yami, milimo eyi Ngulinakulinga naikiye nawa mwakayilinga. Kuhambakana evi, mokomoko kutohwa cha echi, ikiye mwakaya nakulinga, mwomwo Nanguya kuli Tata Yami.”

⁹¹ Ikiye apwile nakuhanjika likumbi limwe. Vakiko vambile ngwavo, “Mukakunangula, tulweke chinjikizo.”

⁹² Ikiye ngwenyi, “Chisemunuino cha kuzeya kaha chaujila veji kutondanga chinjikizo.” Echi chikiko chisemunuino etu tulimo nakuyoyelamo lelo. Ikiye ambile ngwenyi, “Kaha Nanguya nakuvahana chinjikizo. Mwomwo Yona apwilenga mujimo lyaishi, makumbi atatu na maufuku, shikaho mukiko chatela kupwa Mwana muthu na kupwa mukachi ka muchima wa mavu, makumbi atatu na maufuku.”

⁹³ Chinjikizo muka nachiya nakupwa muno chisemunuino chachipi kaha chaujila ngana? Chize chinjikizo chakusanguka. Kaha omu mukiko etu vatushikile lelo, chinjikizo cha Ikiye hanga ayoya, Ikiye apwa youmwe zau, lelo, na hayamyaka.

⁹⁴ Ikiye ngwenyi, “Nge muze chapwile mumakumbi a Lote,” nge omu twahitanga mu ufuku unahichi. “Makumbi a Lote, chuma muka chasolokele mumakumbi a Lote, shikaho nachikapwa ha kwiza cha Mwana muthu.” Vyuma evi etu vatushika, na Visoneka vyavivulu. Kutulama etu kuchina kushimbula. . . “Chindende kaha kaye kaveshi Kungumona chekako. *Zachiso*, ‘chize chiyulo, chize chisemunuino chaliuka,’ vakiko kaveshi Kungumonako chekako. Oloze enu namukaya Nakungumona, mwomwo Nangukapwa na enu, na muli enu, nakusongo ya chisemunuino.” “Yesu Kulishitu youmwe zau, lelo, na hayamyaka.” Chuma muka echi? Chinapu chinjikizo cha Kalunga, jila ahakako lyehi cha Kalunga.

⁹⁵ Apalahama kuvandamina mwana walunga. Chize chinjikizo chamakumishilo chize ikiye amwene shimbu kanda kwenyeka cha Vakamafuchi eka na eka, apwile Kalunga kusoloka mumujimba wanyama, nge vatachikijile mangana akusweka mukachi ka muchima wa Sala omwo ikiye apwilenga muze mumbalaka. Yesu ngwenyi, “Chize nachikakinduluka cheka kwiza cha Mwana muthu.” Ndumbu walunga, wapwevo, Ngwafwelela etu tuli nakuyoyela mulikumbi kana. Ngwafwelela lino likiko likumbi lya lushiko.

⁹⁶ Ove watela kupwa na lufwelelo muli ocho ove uli nakulinga. Kachi ove kaweshi nalufweleloko, kachi kulinachimbata mukujinuka kaha. . . Eli lizu *kujinuoka*, kutesekesa na Webster, kulumbununa, “kulinga vyuma chakuzeneka lisesa.” Oloze omwo lize Lizu lyashika echi, kaha Kalunga kwimana mwishi ya eli Lizu, ove kaweshi nakujinuokako. Ove uli nakulinga vene

chuma Kalunga ahanjika nge linga, kaha Ikiye ali wakukashiwa kukafwa Chize.

⁹⁷ Chachinene, chapuho, muka—muka kuhizumwisa, myaka yayivulu kunyima okwo, Ngwamumwene Ikiye apwile kanyike walunga wamundende, apwile Paul Rader. Ikiye ambulwile mujimbu, likumbi limwe, nge lwola lwosena wangukwachilenga yami. Ikiye ambile ngwenyi, “Likumbi limwe, etu twapwilenga nakuvatula jikunyi.” Ikiye apwile mukakwaha mitondo, kukanduka mu Oregon, kaha ngwenyi mukulwane wamulweke ikiye kuya helu lya pili. Ikiye apwile nakulota. Haze hakiko vene apwile, halwola luze, ikiye apwile muze jijipili; kaha akwachile mashika, kuzuma vene, kaha ikiye apwile nakufwa. Vakiko vayile nakutambula ndotolo, oloze hapwile jimilosi na jimilosi kufuma kuze, na wato.

⁹⁸ Shimbu kanda ndotolo ahase kuheta kuze, Paul aputukile kujimbanganya, avijile chikuma kuma. Ikiye asanyikile pwevo lyenyi wakushishika. Ikiye ambile ngwenyi, “Wamwaza, hinakulava muno mukapete, kulava, nakusokeka.” Kaha ikiye engilile mukulezumuka.

⁹⁹ Kaha omwo ikiye alingile ngachize, ikiye ambile ngwenyi alotele, omwo ikiye apwile muze mukulezumuka, uze mukulwane amutumine haze helu mangana atete mutondo umwe. Ikiye awanyine uze mutondo, ikiye aholwele uze mutondo, atetele na ngimbu yenyi, kaha aukwachile nakuunona. Ikiye kahashile kuunonako. Ambile ngwenyi ngolo jenyi vajihashile. Ikiye kahashile kuunonako. Ikiye ambile ngwenyi, “Seteko yosena yauze mutondo, punduvene Nguhona kuunona. Echa ngweseke cheka.” Kaha ikiye ashikumukile nakuuzundula, ikiye esekele palanga namu azeyele. Ikiye atwamine kusali ya mutondo, kaha ambile ngwenyi, “Ngunahono kutachikiza chuma munda Nanguya nakulinga. Ikiye mukulwane atonda ou mutondo muze muchilombo, kahaNgunazeye kuuneha hamavu.”

¹⁰⁰ Ambile ngwenyi ikiye ewwile Lizu liyema lize kanda lyehi ewwenga, apwile uze mukulwane wenyi kuhanjika; oloze ambile ngwenyi, omwo ikiye alumukile nakutala hiya apwile mukulwane wenyi, apwile Mwata wetu Yesu. Ikiye ambile ngwenyi, “Paul, chumamuka ove uli nakuzungila ngana? Chumamuka ove unanyengetela ngana? Wamono aze meya ali nakuhita kuze?” Ambile ngwenyi, “Mwomwoika unahonena kumbila ou mungowa muze mumeya, kaha tambuka haze,? Tambuka nakuya kuchilombo.”

¹⁰¹ Ikiye atumbukile hali ou mungowa nakuhita haze hamakimba, kutambakana helu ya lizu lyenyi. “Nguli nakutambuka haukiko! Nguli nakutambuka haukiko!”

¹⁰² Ndumbu walunga, ndumbu wapwevo, Yesu Kulishitu ashikile vyuma kana kusoloka mumakumbi akumakumishilo.

Ngwafwelela nge etu tuli nakuyoya hano. Ngwafwelela nge Ikiye apwa youmwe zau, lelo, na hayamyaka. Ngunahono kutachikiza omu chasolokele, oloze Ngulinakutambuka ha Ukiko. Ngwafwelela nge Ou unapu Muchano, mwomwo Unapu Mujimbu wamwaza, Kalunga atwama najila ahakako lyehi. Ngwafwelela Ou unapu Mujimbu wa ola, lwola luze etu tulinakuyoyelamo. Echi chinapu jila ya Kalunga ahakako lyehi. Yami nguli na kushindakanya Echi!

Kaweshi kutumbuka hali yami, shimbu natunongama mitwe yetu?

¹⁰³ Tata wa Mwilu, etu tuli nakwende mu Upahu hali eli Lizu Lyove. Etu twafwelela nge Lizu Lyove linapu Muchano. Ove Kalunga, echa kala muthu na pwevo, ufukuuno, kukundamina ha Lizu, kaha anuka, shimbu vakiko kuya nakushikumuka kuhita muli ou ungeji, vakiko vanahase kwitavila, “Nguli na kwendela ha lushiko lwa Kalunga. Nayiya nakungutwala mu Upahu. Echi chinapu jila ya Kalunga ahakako lyehi kuli yami lelo. ‘Yesu Kulishitu youmwe zau, lelo, na hayamyaka.’”

¹⁰⁴ Ove ngwove, “Chindende kaha kaye kakeshi Kungumonako chekako, oloze enu namukaya Nakungumona; mwomwo Nanguya nakupwa na enu, namuli enu.” Enu washikile, Mwata, etu natuya nakumona Ove.

¹⁰⁵ Va Ngiliki vejile, lwola lumwe, kaha ngwavo, “Mwane, etu natuya nakumona Yesu.” Kaha vakiko vachihajililo nge eli lisesa. Kaha ufukuuno, Mwata, etu twatondo kumona Ove, nawa. Echi chinapu michima yetu kufwila chetu. Naumwe pimbi mwahasa kukwivwa Ove, kuvangila vakiko vanatondo kumona Ove. Kahajino kachi ava va Ngiliki vamutambwile vakumone Ove, kaha Ove wanehele jila kuli etu kumona Ove, Ove lwola lwosena weji kupanga jila mwomwo Ove uli youmwe zau, lelo, na hayamyaka. Ngamba anehele ava Ngiliki Kumeso Ove, kaha vakiko vatela kumona Ove. Tuhane elu lusesa lwolumwe ufukuuno, Tata. Echa etu, nge vangamba, neha eli lizavu Kumeso Ove. Kaha echa etu tumone Yesu, ufukuuno, Hiya youmwe zau, lelo, na hayamyaka. Tuhanecho echi, Mwata.

¹⁰⁶ Kulwila wakujimbala, Mwata, kachi kuli muthu, pwevo, kanyike walunga, mokomoko kanyike wapwevo. Omwo etu natumona lifuchi kupwa lyakupihya na vihwanga na kuvatula jishingo, kaha kuhonesa, kaha kumona kupola muno mulifuchi lelo! Kaha kumona kupola mumauka, kaha kumona vakiko kuvatwaminyina muze mu kujiha cha kasulu kuze, mwomwo vakiko kaveshi kuya mukwala cha jila ya Kalunga! Vakiko vali nakuya mujila ya jishimbi jauthu keshi kwiza ha Lizu ko.

¹⁰⁷ Kalunga, etu twalombo nge vene, mwenemwene, kusemuka cha Vakakulishitu, nge omu Ngwasolwele, hakupwa vene vapato, vakiko. . . “Mikoko jami veji kwivwa Lizu Lyami, ngeji kaveshi kuhasa kukavangiza.” Mwata, Lizu Lyove linapu Lizu.

Omu mukiko lwola lwosena yinapunga jila Yove yakwala lyehi ku Liuka na vathu, linapu Lizu Lyove. “Lizu Lyove linapu Muchano.” Kaha Ove unapu Lizu. Kaha eyi Mbimbiliya yatulweka etu, “Eli Lizu Iya Kalunga linapu lyakuvambuka kuhambakana poko yauvela kuvali, mukakutumbununa vishinganyeka na mukachi ka muchima.”

¹⁰⁸ Mwomwoika va Isalele vahonene kumona Meshiya wavo, omwo vakiko vamwene nge Ikiye apwilenga lize Lizu, omwo Ikiye ahashile kutumbununa vishinganyeka vyapwilenga mumichima yavo? Mwomwoika vakiko vahonene? Vakiko vanevwushishile kuhichila muli tupolofweto, nge tupolofweto vanahase; oloze omwo kuzalilila cha Kalunga vamulingishile kupwa Mwana Walunga, kaha Ikiye ayoyele mukachi ketu, kahajino vakiko vahonene kumona echi mwomwo vakiko vapwile tupuputa.

¹⁰⁹ Mwata, vaze vali na meso avo akusokoloka, ufukuuno, echa etu tumone Yesu mukachi ketu. Echa kala muthu mukakuviza apwenga wakuhinduka. Echa echi chikume, Mwata, nge vakiko kanda, cheako, kufuma muola ize. . . oloze muze navafwelela nge Ove wapwa Meshiya. Vakiko vali nakwiza mujila ya Kalunga. Vavavulu muli vakiko hano, ufukuuno, kufwa. Kuli vavavulu hano, ufukuuno, pamo katweshi kupwa hanoko mulungu wosenako kufuma mulelo, kachi kukafwa Chove Yove kacheshi kwizako.

¹¹⁰ Jino, Tata, Ove uli kaha namulimo hali vize Ove washikile. Oloze Ove walingile lushiko nge etu twatela kukumona Ove. Ove washikile nge omu Ove walingile nawa. Elu lukiko lwola. Ngunakwitavila echi; Ngwafwelela echi. Ngwevwanga Ove kuhanjika ngocho; Lizu Lyove ngwalyo. Ove kwinjikiza echi. Ngwachitachikiza echi kupwa muchano. Jino echa vachitachikize, Mwata. Echi vanachisoneka, jino echa vachilinge, ha Wangana wa Kalunga. Amena.

¹¹¹ Kangwafwelela nge etu tuli nakuya nakusanyika mukana wakulombelela. Ngwafwelela Nanguya kaha nakuuzachisa kufuma hano.

¹¹² Vangahi muli enu vali nakuviza? Jino ove muya. . . Ove muya nakukwata livoko lyove, kwambulula nge ove uli nakuviza.

¹¹³ Vangahi muli enu namuya nakulumbununa vyuma vyovimwe, “Ndumbu walunga Branham, Yami kangweshi vene wakulwilako”? Munahase kuzundula livoko lyenu, “Ngulombeleko”? Kalunga amikisule, enu. Echi chamwaza. Echi chinapu. . . Kalunga amikisule. “Kavawalwilako.”

¹¹⁴ Jino, enu mwazundulanga mavoko enu, kaha enu kamwalingile ngochoko, “Oloze, Ndumbu walunga Branham, muchano vene Ngwatondo kupwa wakulwiliwa. Echi chinapu muchima wami. Ngwafwelela nge kakweshi chuma chimwe chinasaleko kuli kala muthu muno mukaye.” Chumamuka

cheka, chumamuka ove muhasa, chakuhambakana ulwilo wove? “Ngulombeleko. Ngwatondo kupwa wakulwila.” Unahase kuzundula livoko lyove, muzuvo mwosena, kala kwosena, “Ngwatondo...”?

¹¹⁵ Vangahi muli enu kanda vatambule Shipilitu Wajila, hanjika, “Ngunatachikiza Ngwatela kutambula Echi”? Katulenu mavoko enu. “Kangweshi; Ngwatondo.” Chosena chakwoloka, kuli kaha vavandende vanamuhono.

¹¹⁶ Jino, Kulishitu alama Lizu Lyenyi, kaha ove watela kulama lufwelelo lwove muli Ikiye. Ikiye napu Lizu. Jino, Hepelewu kapetulu 4, ambile ngwenyi, “eli Lizu lya Kalunga,” ou napu Kulishitu. Kulishitu ikiye Lizu. Enu vosena mwatachikiza echi? Hanjikenu, “Amena.” [Chikungulwilo ngwacho, “Amena.”—Muka.] Ikiye napu Lizu, “youmwe zau, lelo, na hayamyaka.” Chuma muka Ikiye apwilenga muli Mose, Ikiye nawa apwilenga muli Elija; chuma muka Ikiye apwilenga muli Elija, Ikiye apwilenga muli Yowano; chuma muka Ikiye apwilenga muli Yowano, Ikiye makumishilo Lyavene mu—muli Yesu. Kaha lelo Ikiye apwa youmwe nge Ikiye muze apwilenga, kaha Lili lika Lizu lya Kalunga upolofweto wa lelo, echi chikiko chamulingisa Ikiye kupwa Kumunyika malayiti na kwinjikiza Lizu lya lushiko.

¹¹⁷ Etu tuli mulwola lwa makumishilo, masepa. Yesu ali hano. Ngunatachikiza enu munevu chize.

¹¹⁸ Ngachilihi nge ove kawahashile kumonako, mu chiyoyelo chove, kaha ove kawapwile namangana akumonako, namumwe muthu achilingile, oloze wosena mulwola lumwe wevwile kuzuma chivene? Kaha Ngwapwilenga nakumona, Ngwahashilenga kumona, kaha Nanguya nakumilweka apwilenga musana. Enu ngwenu, “Ngunahono kutachikiza omwo echi chasolokele, oloze Nanguya nakwivwa, nge kuzuma, enu munahase kwivwa.”

Nanguhanjika, “Uze ukiko musana.”

“Musana chuma muka?”

“Echi chinapu kumunyika.”

“Nyi kumunyika chumamuka?” Echi nachiya nakupwa kaye kosena kuli enu.

¹¹⁹ Oloze kachi Nangukulweka Yesu Kulishitu nemana hano jino? Kachi Ngwamilwekanga Ikiye ali mukachi ketu? Ikiye ashikile echi. “Kwosena vavali mokomoko vatatu valikungulwile mu Lijina Lyami, muze Nguli mukachi kavo. Haze Yami uze!” Jino ou ukiko Muchano, kuli yami, *Ou* unapu Muchano, mokomoko Ou unapu muchano. *Echi* chipwe Chakwoloka, mokomoko echi kacheshi chakwolokako.

¹²⁰ Jino, kupwa nge kukulwila ove, Ikiye alingile muze omwo Ikiye afwile ha Kavali. Kuka ove, Ikiye alingile chize omwo Ikiye

afwile ha Kavali. Enu mwafwelela echi. Eli Lizu ngwalyo Ikiye achilingile.

¹²¹ Jino chuma chimwe kaha Ikiye nahase kulinga, kachi Ikiye emanyine hano na—na eyi suti, ize Ikiye anguhanyine, nachiya kaha nakwinjikiza kuli ove Ikiye apwilenga Meshiya.

¹²² Keshi na chiveza cha chala mulivoko Lyenyi. Kala mukakwonga nahase kulinga ngachize, kuhaka chiveza chachala, na manyinga kumeso eyi, kaha vivevo na vyuma. Chize vanahase kulinga. Chize chinapunga. Vathu vavavulu veji kumusukika nge Ikiye. Keshi ngochoko.

¹²³ Oloze Kuyoya Chenyi, chapwile muli Ikiye! “Uze Mwana keshi kuhasa kulinga chuma chimweko, ha Lyavene, oloze chuma Ikiye mwamona Ise kulinga.” Echi chinapu Kuyoya chize chili muli Ikiye, chize kwinjikiza. Keshi mwomwo Ikiye apwilenga ka Yuleya uze pwevo wamundende haze ha lishima lya kufwelela Ikiye kupwa Meshiya; mwomwo Ikiye ahashile kutanga vishinganyeka mukachi ka muchima, vize ikiye amulingishile Ikiye kupwa Meshiya. Kachi apwile jila Meshiya alisolwele Lyavene mumakumbi anahichi, ize yapwile jila Yenyi yakuneha Ivene. Muze mukiko mujila Yenyi ahakako lyehi, kutesekeza na Chisoneka, cha chino chisemunuino. Ove wafwelela echi?

¹²⁴ Jino, enu vosena hano, Yami ngungeji. Ngunatale nakujinguluka, Kangweshi nakumona muthu uze Nguwatachikizako. Muthu wosena muno, uze katachikiza yamiko, kaha natachikiza Kangwatachikiza nachuma chimwe hali oveko, zundula mavoko enu. Akuzama, kwosena. Ou muthu kusavala hano ha chisalo, azundwile livoko lyenyi. Ikiye kangutachikizako. Naumwe angutachikiza yami.

¹²⁵ Oloze anuka, Kalunga akutachikiza ove. Kalunga akutachikiza ove. Jino, kachi Ikiye enjikijile nge Ikiye ali hano.

“Chuma muka echi, Ndumbu walunga Branham?” Chinapu wana.

¹²⁶ Wana chumamuka? Wana chumamuka, kalamwosena? Keshi kumbata chumachimwe na kuzachisa chumachimwe, kuhanjika, “Ngukwechi wana waka kuka! Nanguya na kuka *ou* umwe, kuhindula *uze* umwe.” Kachi Nanguhasa, Nanguya vene nakuchilinga. Jino, oloze, wana, kaha ove uli—ove uli. . . Ove kulumbununa wana. Uze *wana* uli kaha “fuma mujila eyi kaha echa Shipilitu Wajila akuzachisa ove.” Talenu? Ou ukiko wana.

¹²⁷ Muze mukiko mukakuzata apwa. Ikiye keshi kunangula chuma ikiye natondo kunangulako. Ikiye eji kulifumisa lyavene mujila, unapu wana, kaha kuhizumuka nachiza, kaha ikiye—ikiye kuhanjika kuhichila mukuhwimina cha Shipilitu Wajila. Kala wana ukwavo uli mujila yoyimwe. Jino, mawana amu vakakuzata, na vyangocho, napunga. Kuli, chatete, cha mawana a Kalunga akuhana, ali, “chatete vapositolo, tupolofweto,

vakakunangula, tufunga, na vaka kwambulula mujimbu wamwaza.” Awa anapu maufwishi. Aze anapu mawana etu.

¹²⁸ Jino, Yesu Kulishitu ashikile nge Ikiye mwaya nakulinga echi mumakumbi akumakumishilo. Kachi Ikiye mwachilinga echi, kachi Ikiye ashikile echi na kuchilinga, vangahi navaya nakufwelela na kwitavila Ikiye, ufukuuno? Katula livoko lyove, hanjika, “Nanguya nakwitavila Ikiye.” Vangahi muno vali hano jino. . . Ngwakusakwilila. Vangahi muno kanda lyehi vanapunga mukuliwana chimwe shimbu kanda, zundula mavoko enu. Yami, hakamwihi na lizavu. Vangahi vafwelela, shimbu kanda Ikiye achilinga echi, enu mwafwelela mwosena? Kalunga amikisule.

¹²⁹ Jino tala. Kachi Ngunamilweke Muchano, Kalunga ali wakukashiwa kukumbulula kuli yami. Ikiye mwaya. Ikiye nakuhaka Mazu Eyi mukanwa na Vakiko kufumisa muchihela. Echi chakwoloka, Anapu Mazu Eyi, Echi chatela kuchilinga. “Ngunatumu Lizu Lyami, Kalyeshi kuhasa kukinduluka lyaupolongwa.”

¹³⁰ Jino, kachi Nanguhasa kuhindula, Nanguya nakuchilinga. Chochimwe nge wamulemu, kukotokela, Ndumbu walunga Upshaw uze etu twapwanga nakuhanjikaho. Uze kashinakaji walunga natwame kunyima kuze muchitwamo cha kalikoki, chindume cha kashinakaji walunga, Ngunasake kachi ngunamuhindula kachi Nanguhasa. Ngwaputukile kuya kukamenga, hatoma, kaha Ngwalumukile na kumona ikiye muchimweno, kuya naku, kutambuka. Amusanyikile ikiye, kumulweka omwo chapwile, kaha mukiko chapwile. Ikiye akatukile na kutambuka, kwiza kukamenga, kukwata kuminwe yenyi, hanyima yayikiye kupwa nakalepa hamyaka sikisite sikisi. Talenu?

¹³¹ Ufuku woumwe, pwevo wamu mulatu, na kemba yenyi, kuze kusali. Ngwambile ngwami, “Ngunamono nge—nge ndotolo navwale vivanjilo, kaha—kaha ikiye vamupulile chindende, kanyike wapwevo wamulatu, kaha chize chamulehwishile kufuma hamuliu wenyi.”

¹³² Uze pwevo wamulatu, enu kamweshi kuhasa kukwata ikiye nakufuma kukamenga. Ikiye ambile ngwenyi, “Mwata, keke, uze napu kemba yami!” Kaha hano ikiye ejile, lizavu lya vakakwimana kuchikola kavahashile kumukwata ikiyeko.

¹³³ Ngwambile ngwami, “Tatapwevo, kacheshi kukulinga mwamwazako hakwiza kuno. Mukiko kaha... Uze napu Kalunga.” Ngwambile ngwami, “Echi kacheshi kuhasa kupwa chamwazako kwiza kuno. Fwelela kaha.” Kaha ikiye ayile hamambuli eyi kaha aputukile kulomba. Ngwatalile haliyongomena kaha Ngwamwene hululu, nge ngana, kuya. Ngwamwene uze kanyike wapevo wa mulatu wamundende na kandoli mamavoko eyi, kuya nakushikumuka mujila yayindende. Kaha Ngwatalile hali uze wamundende, kanyike

wapwevo wamulatu, kunyima, apwile youmwe. Ngwambile ngwami, “Vachikumbulula.” Ikiye akatukile, kaha afumine mumuhela. Talenu?

¹³⁴ Ali Kalunga. Talenu? Ali Kalunga. Talenu? Ikiye keshi kuhasako... Naumwe pimbi nahase kuka. Echi chinapu lufwelelo lwove muli Kalunga.

¹³⁵ Jino, eyi Mbimbiliya yahanjika ngwayo, nge, “Ikiye apwa Kapilishitu Wakulitulaho, hano vene, mangana vanahase kukwata na kwivwa chakukola chetu.” Enu mwafwelela echi? Kapilishitu Wakulitulaho! Jino, kachi Ikiye napu Kapilishitu Wakulitulaho, kaha Ikiye mwalinga ngachilihi? Kachi Ikiye apwa youmwe zau, lelo, na hayamyaka, Ikiye mwakaya nakulinga mwomumwe zau, lelo, na hayamyaka.

¹³⁶ Jino enu lombenu, kaha echa Shipilitu Wajila jino... Enu namuhanjika kuli Kalunga, “Kalunga, ou lunga nemana haze kangutachikizako, oloze chuma Ikiye eji kuhanjika chamangana. Ove uli youmwe. Ove uli Kulishitu. Nguli nakuviza. Ngunatondo. Kaha kachi Ove mwecha yami chipwe... Kachi Kangweshi na lufwelelo lwakuchilinga, echa muthuumwe uze Ngunatachikiza pwako nalufwelelo, kaha echa echi... Enu mweji kuvulukanga na—echa—echa yami mokomoko uze muthu kukwata ha Uvwalo wa Wove muli Upahu. Kahajino kachi uze muthu nafumu mujila, kahajino Ove kuzachisa mukanwa kenya kuhanjika, kaha kuchilinga mujila yoyimwe Ove walinganga omwo Ove wapwile hamavu. Nanguya nakutachikiza nge Ove unapu youmwe zau, lelo, na hayamyaka.”

Echa tunongame mitwe yenu jino.

¹³⁷ Mwata Yesu, kwalumuka kufuma mukutangisa cha kapolofweto, oloze Ngwafwelela Ove, Mwata, Ove washikile echi. Kaha Ngwalombo nge Ove uyenga nakuvahana, ufukuuno. Tuhanecho echi. Ngwivwulilenu. Omwo eli lizavu naliseza hano, ufukuuno, kaha etu natuya kwimbo, echa etu tuhanjike nge vaze vaze vanafumu mu Emau, “Kumana michima yetu kayawemanga mukachi ketu nge omu Ikiye ahanjikile kuli etu mujila?” Yesu vamusangwile kufuma kuvafu; vakiko kavatachikijileko. Vakiko vapwile nakuhanjika kuli Ikiye; vakiko kavatachikijileko. Oloze omwo Ikiye avatwalile muzuvo, kaha nakusoka chikolo, kahajino Ikiye alingile chumachimwe mujila Ikiye alingile shimbu kanda Ikiye kumusukika. Kaha chize chasokolwele meso avo. Vakiko vachimwene nge apwile Ikiye. Cheka, Mwata, echa michima yetu yiwema shimbu etu tuyenga kwimbo ufukuuno, nge omu valingile vakiko. Mwomwo etu tunatachikiza nge Ove wahanjikile kuli etu mujila. Kumana vyuma, ufukuuno, nge Ove walingile omwo Ove wapwile hano hamavu, mwomwo Ove uli youmwe zau, lelo, na haya myaka. Etu twalombo mu Lijina Iya Yesu. Amena.

138 Jino pwenu mukulomba na kufwelela. Echa tuli nakulijilika *eyi* kusali, chatete. Chipwethuhu ove uli kulihi, muli ino zuvo, kufwelela Kalunga. Ngunafwila nge wosena apwenga vene wakuunda twama kulu, lomba.

139 Echi chinapu vene chachikalu. Ngwapwile nakuhanjika chimene chino, kukulya cha vakakuzata, “chikomwesa.” Chize *chikomwesa* chakuhayamisa, “chumachimwe chakuhayamisa, oloze unapu muchano.” Munatachikiza nge Shipilitu Wajila mwaya nakwimana hano na kuhanjika chumachimwe mulikungumbuwa, kuli vathu vase Ngunahono kutachikiza, chatela kupwa chikomwesa. Chinapu chumachimwe kaweshi kuhasa kulumbununako. Ngunahono kutachikiza nge Ikiye mwaya. Nguli kaha nakutalilila chize Ikiye mwaya, kufwelela nge Ikiye mwaya.

140 Jino lomba kaha, kaha hanjika, “Mwata Yesu, Ngwatondo kukwata kuchikuto Chove, kaha Ngwa—Ngunatondo. Nangukushika Ove, Mwata, Nanguya—Nanguya nakukuzachila Ove chiyoyelo chami chosena.” Kalunga atonda enu kupihilila nakwalumuka. Kachi enu kamweshi kupihilila nakwalumukako; kupihilila nakwalumuka, ngwenyi, “Ngwatondo kupihilila nakwalumuka, Mwata. Ngwatondo Ove nguhindula yami. Ngwatondo Ove Ungukisule. Nguhindule jino Mwata. Yami ngu ngamba Yove.”

141 Ngwapwile nakuya . . . Ove wahanyine makati akulombelela lelo? Ngwapwile nakuya nakumuhula Billy chipwe . . . Kachi ikiye mwahona kuchilinga, Nangusanyika mukana wakulombelela. Oloze vakiko kavahananga makati akulombelela lelo ko. Twamenu kaha, nakufwelela.

142 Jino, mu Lijina Iya Yesu Kulishitu, Ngunahake kala shipilitu hano mwishi ya kutetekela chami, ha upahu wa Kalunga, nge Lizu Lyenyi vanahase kulitachikiza, nge ha Likumbi Iya Kusopesa etu katweshi kuya nakupwa nakaleyeloko.

143 Jino tala echi muli eyi jila, na kufwelela jino. Lomba na kuchima wove wosena, na kulomba, na kulikehesa. Kanda kuchizungisa Echiko. Unda kaha ove Iyavene, nakuhanjika, “Mwata, Ove washikile lushiko. Ngwafwelela Ove.” Omu mukiko Ngwatela kulinga.

144 Ngunatachikiza kakweshi nakutondeka yami kumihula enuko. Vangahi vama Iyehi chize Kumunyika? Echa tatalenu. Enu munamono chize chifwanyisa cha Echi. Echa tatalenu mavoko enu, chize vachimona Iyehi chifwanyisa cha Chize. Kamweshi nakuchimona Echi hano veneko? Talenu, chili museyeko yeka yikwavo. Chili venehaze hali uze pwevo wakalemesa.

145 Ikiye ali nakuyanda na ukalu wamahiji na nyima. Ikiye . . . Ove wafwelela nge Kalunga nahase kukuka ove, ndumbu wapwevo? Chuma muka ove wakwachile? Ove

kawangutachikizako, oloze ove wakwachile Chumachimwe. Kachi Mwata Yesu mwaya nakungulweka ove yove hiya, chinahase kukulingisa ove kufwelela kanawa? Ove wapwa Pwevo lya Phillips. Kachi echi chakwoloka, imana hamahiji ove. Chosena chakwoloka. Yami Ngunapu ngeji kuli ove? Katula livoko lyove kachi echi chakwoloka. Kanda lyehi ngumumone muchiyoyelo chami. Chuma muka ikiye akwachile? Yako nakuhanjika kuli uze pwevo, hanyima yachize. Misongo yosena nayi jino. Ove uli wakwoloka. Ove unahase kuya kwimbo na kupwa kanawa.

¹⁴⁶ Hano hakiko hali pwevo wakalemesa, kukinduluka kunyima yenyi kuze. Ikiye ali nakuyanda kufuma mukuzeya. Ove Kalunga, kachi ikiye mwahona. . . Lijina lyenyi napu Pwevo lya Mukulwane Star. Fwelela, Yesu Kulishitu mwaya nakukulingisa ove kupwa kanawa. Imana hamahiji ove na kwitavila kuka chove. Kachi Ngunapu ngeji kuli ove, hwingisa livoko lyove. Ukalu wove unahichi. Yesu Kulishitu makulingisa enu kupwa kanawa.

¹⁴⁷ Chuma muka Ikiye ashikile? Ikiye ashikile echi. Enu mwafwelela?

¹⁴⁸ Kuli pwevo wakalemesa ali kunyima yenyi, natwame kuze. Ikiye ali nakulomba. Ikiye ali wakulizakamina, akwechi ukalu waunene. Ikiye natondo kwecha kunwa makanya. Lijina lyenyi Pwevo lya Bordon. Kukatuka, Pwevo lya Bordon. Kunwa makanya chinahichi. Yesu Kulishitu eji nakulingisa ove kupwa wakulikangula. Kanda lyehi ngumone uze pwevo muchiyoyelo chami.

¹⁴⁹ Enu mwafwelela? Jino munatachikiza Kangweshi kuhasa kulinga ngachizeko. Ou ikiye Yesu Kulishitu. Chuma muka echi? “Eli Lizu lili washiwashi, ngolo cheka, kuhambakana poko yauvela kuvali, mukakutumbununa vishinganyeka na mukachi ka muchima.” Eli linapu Lizu, Yesu Kulishitu youmwe zau, lelo, na hayamyaka. Kaweshi kuhasa kufwelela echiko?

¹⁵⁰ Hano, hano hanatwame lunga natwame haze, na panga, ukalu wamuchima. Echi chakwoloka. Kangwamutachikizako ou lunga. Kanda lyehi ngumumone ikiye. Oloze ikiye napu mukakuzata. Wamulemu, Mukulwane Kinsey. Echi chakwoloka. Ove wafwelela, mwane? Imana hamahiji ove na kutambula kuka chove. Yesu Kulishitu mwakulingisa ove kupwa kanawa.

¹⁵¹ Talenu, munahase kungulingila mwauselelwa, hapupwa mukakuzata? Haka livoko lyove hali pwevo lyove, ikiye ali nakuyanda na ukalu wa jiso, na ukalu wa lisuli, na kutohwa, na ukalu waunene. Haka mavoko ove hali ikiye. Echi nachiya nakumuseza, kachi ove unafwelela.

¹⁵² Kuhanjika, kuli muthu natwame kunyima ya ove, ikiye ali mumuvwimbimbi wakufwa. Ikiye akwechi kansa. Uze lunga nayande na ufwa, kansa, kulizakamina. Lijina Lyenyi napu

Mukulwane Young. Fwelela jino. Yesu Kulishitu mwakulingisa kupwa kanawa. Ove wafwelela echi? Ove unachitavila? Chosena chakwoloka, mwane.

¹⁵³ Hano hali lunga, nasavala aha hamuhela. Mwane, Kangwakutachikizako. Kachi Nanguhasa kukuhindula, Nanguya nakuchilinga. Ngungeji kuli ove. Ove uneza kufuma kwosena kwakusuku. Ove uneseka mwosena nakwiza kuno. Ove kaweshi kuhasa kusweka cha kuhenga kuli oveko; oloze Kangweshi kuhasa kukukako. Ove unezakuno na pwevo lyove. Uze natwame haze na vwale kochi yousungwa. Echi chakwoloka. Chosena chakwoloka. Uze lunga ali mumuvwimbimbi wakufwa; ikiye keshi kuhasa kuyoya oloze chindendeko jino. Ikiye akwechi kansa.

¹⁵⁴ Ove uli nakuyanda, nawa, ndumbu wapwevo. Ove wafwelela Kalunga nge nahase kungulweka chuma muka ove uli nakuyanda nacho? Uli naukalu wove wa nyima. Echi chakwoloka. Kachi echi chakwoloka, imana. Chosena chakwoloka, ove tambula kuka chove. Fwelela echi. Haka livoko lyove hali lunga lyove.

¹⁵⁵ Ove wafwelela yami kupwa kapolofweto Kenyi, mwane? Kachi ove nautwama kuze, ove uli wakukunyuka nge mufwa. Ove kaweshi kuhasa kuyoyako. Mukiko kaha. Va ndotolo nanahono. Kansa yinatake chikuma. Ngunamono maukalu akulifwana kuhambakana vana vahinduka. Kangweshi kuhasa kukukako. Oloze kachi ove muya kaha nakwitavila echi na kufwelela echi! Enu mwafwelela echi? Chinapu lihahya lyove. Lwola lwove lwa makumishilo luli nakuhita. Enu mwafwelela echi? Kachi ove mulinga, imana fuma muze mumuhela. Katuka nakulovoka muze, mu Lijina Iya Yesu Kulishitu! Imana hamahiji ove na kupwa kanawa, na kutambuka nakulovoka muno, kumutohwesa Kalunga. Muthuumwe amuhanyine livoko kuze, amukafweko. Ikiye ali, hamahinji eyi.

¹⁵⁶ Vangahi muno vafwelela? Katulenu mavoko enu. Imana hamahiji enu. Enu vosena mwatondo kuhinduka, imanenu, kuno, mu Lijina Iya Yesu Kulishitu. Zundula mavoko enu, kwalisa Kalunga. Muhane Ikiye kwalisa na upahu. Jino sakwilila Mwata ha kuka chenu, Yesu Kulishitu youmwe zau, lelo, na hayamyaka!

¹⁵⁷ Ndumbu walunga, va ndotolo vanahono. Eyi ikiko jila ya Kalunga ahakako lyehi. Fwelela echi!

¹⁵⁸ Vangahi vanatondo kwitavila jila ya Kalunga? Zundula mavoko enu na kuhana Kalunga kwalisa, muthu himuthu, kaha kufwelela nge ove unahinduka, mu Lijina Iya Yesu Kulishitu. Amena.



JILA NAHAKEKO KALUNGA YALELO LINO LVE64-0206E

(God's Provided Way For This Day)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chiwana na chingoloshi, Kutatu 6, 1964, ku Kern County Fairgrounds mu Bakersfield, California, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2022 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org